

毛

詩

原

解

毛詩原解卷六

衛

瞻彼淇奧郁綠竹猗猗阿叶有匪君子如切如磋搓如琢

如磨瑟兮僖開上聲兮赫兮咺喧上聲兮有匪君子終不可

諼鉏叶兮○瞻彼淇奧綠竹青青有匪君子充耳琇瑩會

柏弁如星瑟兮僖兮赫兮咺兮有匪君子終不可諼兮

○瞻彼淇奧綠竹如簀積叶有匪君子如金如錫如圭如

璧寬兮綽兮猗倚重平聲較角聲兮善戲謔香入聲兮不為虐

兮

古序曰淇奧美武公之德也毛公曰有文章又能聽

其規諫以禮自防故能入相于周美而作是詩也○  
綠竹菴草也禮記大學篇引此詩作菴竹小雅云終  
朝采綠草似竹而澀礪一名木賊可以攪洗垢膩磨  
盪器具故比切磋琢磨也朱子謂淇水多竹漢世猶  
然所謂淇園之竹愚按漢志武帝塞瓠子決河薪柴  
少下淇園之竹爲鍵虔又寇恂傳伐淇園之竹爲矢  
百餘萬此皆誤于綠竹之文附會過耳竹性宜濕產  
南土北地高燥衛在河北豫州境禹貢竹材矢筈皆  
取諸荆揚揚州貢篠簜荊州貢箇輅皆竹也豫貢無  
竹材世稱渭水淇園以希貴見稱非其產也去衛

武公時垂八百年。苟淇竹如彼其盛，不應地氣變。今盡化爲烏有也。傳註訛久，卽真多此類，難與耳食士爭。朱子千竹竿之詩，亦以竹爲衛物，恐未然耳。○章一  
淇水之曲，綠竹生焉，可爲磨礪之用，猗猗然柔弱得水茂也。斐然文章之君子，其學問工夫如治骨者，切治象者，磋治玉者，琢治石者，磨其精也如此。故其德瑟然嚴密，個然武毅，赫然光輝，喧然聲聞，有斐之君子，人心愛慕，終不可忘矣。○章二  
淇水之曲，綠竹青青，得潤深也。斐然君子冠之充耳，用琇石而色瑩，弁之會縫，飾玉石而如星，其德瑟個，其望赫喧，有斐君子。

民終不可忘也○三淇水之曲綠竹密如織席培植  
久也有斐君子學問精純如金與錫涵養溫潤如圭  
與璧在與則寬舒豁綽倚立軾上之較而莊嚴自得  
與人則溫良樂易善戲謔以偕而不至過差也○奧  
水曲也匪斐同文貌咺咺同頌聲也諼忘也青青竹  
色琇美石瑩光潔也琇瑩猶言瓊瑩會縫也弁皮弁  
天子飾弁縫以采玉十二謂之璫公侯伯以次降而  
雜用石簀席也縝密之意猗猗同車上扶手橫木曰  
較古者立乘以手憑較較下重橫一木曰式有所敬  
則手下式而俯較在式上故曰重較

淇奥三章章九句

考槃在澗

叶

碩人之寬獨寐寤言永矢弗諼

壹

○考槃

在阿碩人之邁

科

獨寐寤歌永矢弗過

戈

○考槃在陸

碩人之軸獨寐寤宿永矢弗告

谷

古序曰考槃刺莊公也毛公曰不能繼先公之業使賢者退而窮處○此詩但道賢者巖居岑寂而莊公不能用賢之失自見朱子改爲美賢者隱處澗谷非也賢者隱處澗谷至于獨寐獨寤獨言寂寞無語是誰之咎詩所以諷刺也○章一考槃食器之槃在于澗谷之中其碩德之人心思寬廣雖深山荒僻無與爲

侶而當獨寢覺寤之時心口自言永誓不忘此樂也

○二章考其槃于曲陵之阿碩人適然自得雖寂寥獨

寐而惺寤之時常適意詠歌永誓不敢過望矣○三章

考其槃于高平之陸碩人不得見用則軸卷而藏之

雖寂寥獨寢寤宿之時永誓不以此告人求知也○

考槃猶扣盆擊缶之類所以節歌貧而樂也山夾水

曰澗適寬大貌軸如機軸之軸卷藏之意

考槃三章章四句

碩人其碩所衣錦褰景衣齊侯之子衛侯之妻東宮

之妹邢侯之姨譚公維私○手如柔荑啼膚如凝脂領

如螭

四麟齊

齒如瓠

互犀

棲秦

首蛾眉

巧笑倩

齒

兮

美目盼

音攀去聲

兮

○碩人敖敖

說

稅

干農郊

四牡有驕

朱

幘

墳

鑣鑣

標

翟弗以朝

大夫夙退

無使君勞

○河水洋

洋北流活活

施眾

風

濺濺

器

鱸

蟬

鮪

委

發發

叶

揭揭

子

庶姜孽孽

庶士有暵

孽

古序曰碩人閔莊姜也毛公曰莊公惑於嬖妾使驕

上僭莊姜賢而不答終以無子國人閔而憂之○按

此詩本為閔莊姜作而無一語道其憂閔之情與莊

公不答之事但極稱夫人族類之貴容貌之美來嫁

之儀及齊國之富就恆情易曉者開諭而莊姜之賢



不足復爲昏主道矣。意婉辭厚。所以善于諷刺。首言  
自齊來嫁。三章乃抵衛。娶衣卽景衣也。士昏禮。女登  
車。姆爲加景。乃驅。鄭之丰亦曰。衣錦娶衣。駕予與行  
是也。○章一有貴碩之人。頎然而長。始嫁衣錦升車。外  
加素紗爲景衣。是乃齊侯之女。將往嫁衛侯。爲嫡妻。  
與齊太子同母。而碩人其妹。邢侯呼之爲姨。其呼譚  
公爲私族。類可不謂貴乎。○章二其手如茅之萸。柔而  
白。其肌膚如脂之凝。白而膩。其項領如螭蟻之蟲。白  
而長。其齒如瓠中之接。白而整。其額如螭。廣而方。  
正。其睂如蛾。細而長。曲。其笑容之巧。倩然。口輔好也。

其目矐盼然黑白分明也。容貌可不謂美乎。○三章其  
來至衛也。敖然從容。止于國外之農郊。整飭其車服。  
四馬驕然強壯。馬之銜鐵兩旁。朱革幘然。四馬皆幘。  
鑣鑣然也。車上蔽弗飾以翟羽。夫人之等威也。而乘  
之以入朝。是時大夫相約早退。勿使君勞。與碩人相  
親也。○四章夫齊本名都會也。大河洋洋當西北。其流  
活然。施魚罟于水。其聲濺然。魚有鯉鮪。其尾濊然。葭  
蘆與莢荻。其長揭然。從嫁之庶姜。其衆孳然。媵臣之  
庶士。其壯揭然。此孰非勝地之產。大國之儀。從乎。○  
碩人尊貴之人。指莊姜。頎長貌。景通明也。以輕綃。

爲單衣也。古婦人盛服必加景衣于外。卽周禮六衣之素紗。君子偕老之蒙繻絺也。太子所居曰東宮。東震方。長男之居也。妻之姊妹曰姨。姊妹之夫曰私。邢侯譚公皆諸侯也。茅始華曰萋。凝脂凍膏也。頰頸也。蟪蛄木中蛀蟲。瓠犀瓠中瓣。含子也。犀作棲。螭似蟬而小。其首方。倩好口輔也。朱幘朱韋爲飾也。鑣馬銜外鐵也。鑣鑣非一鑣也。翟茀以雉羽飾車蔽也。活活水。流貌。眾魚網濺濺。網入水聲。鱣魚似鱣。卽黃魚也。鮪似鱣而色青黑。卽鱣也。淡淡魚舉尾狀。葭蘆也。莢荻也。夏小正云。荻完未秀者爲莢。葭未秀者爲蘆。莢

一名龍

玩

似葦而小

碩人四章章七句

氓

前之蜚蜚

燕

抱布貿

茂

絲匪來貿絲來卽我謀

媒

送

子涉淇至于頓丘

叶

匪我愆期子無良媒將子無怒秋

以爲期○乘彼坳

鬼

垣

袁

以望復關

叶

不見復關泣涕

漣漣既見復關載笑載言爾卜爾筮體無咎言以爾車

來以我賄

悔

遷○桑之未落其葉沃

屋

若于

叶

嗟鳩兮

無食桑葚

叶

于嗟女兮

無與士耽

叶

士之耽兮猶可說

也女之耽兮不可說也○桑之落矣其黃而隕

叶

自我

徂爾三歲食貧淇水湯湯漸

尖

車帷裳女也不爽

叶

士

貳其行

枕叶

士也

罔極

二三其德

○三歲爲婦

靡室勞矣

風興夜寐

靡有朝矣

言既遂矣

至于暴矣

兄弟不知

嗟

其笑矣

靜言思之

躬自悼

尊矣

○及爾偕老

老使我

怨

淇則有岸

隰則有泮

總角之宴

言笑晏晏

信誓旦旦

不思其反

反叶

反是不思

叶亦已焉哉

貴叶

古序曰

氓

刺時也

毛公曰

宣公之時

禮義消亡

淫風

大行

男女無別

遂相奔誘

華落色衰

復相棄背

或乃

困而自悔

喪其妃

配

耦

故序其事

以風焉

美反正刺

淫泆也

○朱子改爲淫婦

爲人所棄

自序而作

非也

風人美刺

微婉而刺

尤鮮有直者

惟雅端慤有之若

風人美刺

微婉而刺

尤鮮有直者

惟雅端慤有之若

風人美刺

微婉而刺

尤鮮有直者

民間謳歌較臣子忠諫之情自寬如必直指某人某事善而後爲美某人某事惡而後爲刺亦不達于風人之志矣此篇本刺而無一語譏詆但代棄婦自言而風旨稜然不覺此詩之爲刺者無羞惡之心者矣故毛公曰美反正刺淫泆今以爲棄婦自作豈肯詳道其醜如此即使自道有何風旨而聖人錄之氓蚩賀絲覺悟之辭無知曰氓蚩蚩無知貌男本狡猾貌爲忠實以欺婦人耳昏姻之道男下女布絲皆女功布賤絲貴以絲易布女子自賤之比三四章言桑喪也失節之比因首章賀絲及之至是始覺男子之狡

此婦先合後奔而終見棄者也○章一昔有氓蚩蚩然  
若忠實者持布買絲非真爲絲也來就我謀邀我爲  
室家耳我送之涉淇至頓丘約曰匪我失期子不早  
通良媒倉卒何及請子勿怒期以秋耳○章二秋期旣  
至登彼煩垣以望爾來來必由復關不見而悲旣見  
而喜則告我曰問之上問之筮兆卦之體皆無咎言  
當時爾車來我盡攜貲從爾矣○章三桑業易隕方其  
未落其葉潤澤與子初狎何以異此如鳩食桑葚食  
多則醉于嗟爾鳩勿食桑葚乎女貪士愛必有後悔  
于嗟女兮勿與士耽乎士之耽兮彼有百行可自彌

縫女之耽兮。一就籠絡。不復自持矣。○韋桑旣落矣。葉黃而墜。色衰見棄。亦猶是也。自我往爾。三年受貧。今又涉淇。以歸淇水。湯湯濕我車帷。昔由此往。今由此還。我爲婦人。旣有信矣。爾男子行事難測。二三無常也。○韋三年爲爾婦。不辭居室之勞。早起夜卧。無日不然。始而相約。惟恐不遂。今旣遂矣。乃以暴怒加我。兄弟不知。知則啞然見笑矣。靜言思之。惟自悼傷耳。○韋我初從爾。思與偕老。豈求偕老。而反得怨乎。淇水尚有岸。下濕尚有畔。人心罔極。何岸畔之有。我以總角之年。與爾相好。言笑歡樂。設誓天日。不思爾



心反復至此始既不思今將奈何亦已而已矣○氓  
愚民也蚩蚩愚貌蓋被棄而惡之之辭布幣也賀買  
也土高曰丘爾雅一成曰頓丘漢書河決頓丘蓋衛  
地也境垣壞牆也乘升也復關關名男子往來所經  
之地龜曰卜著曰筮體兆與卦吉凶之體賄貨財也  
沃若潤澤貌萋桑寶鳩鵲鵲也性喜食桑萋多  
則醉食貧受貧苦也湯湯水盛貌爽差也漸浸漬也  
車帷在上曰幄在旁曰帷裳罔極猶言不測二三反  
復也啞笑貌泮與畔同總角垂髻也晏晏樂也旦旦  
明也反復也

氓六章章十句

籊籊

竹竿

以釣于淇。豈不爾思。遠莫致之。○泉源在

左。淇水在右。

叶

女子有行。遠父母兄弟。

叶

○淇水在右。

泉源在左。巧笑之瑳。

瑳上聲

佩玉之儺。

叶

那聲

○淇水悠悠。

由

檣

解

楫松舟。駕言出遊。以寫我憂。

古序曰。竹竿。衛女思歸也。毛公曰。適異國而不見答。

思而能以禮者也。○朱子謂是詩。未見不見答之意。

改爲思歸。寧不得而作非也。使直言不見答。則怨矣。

不見答而憂憂而不直。所以爲厚。女子不得其夫。其

情良苦。而其言紆緩不激不露。但末繫一憂字。而所

三言入解 卷二  
憂之情室家相違之意皆寓于此釣用絲比夫婦相  
屬也身在他國遠思釣淇淇雖有魚釣豈能及比夫  
婦不相維繫也泉源淇水本同一地或左或右比室  
家相違也獨笑獨行無儔侶也悠悠之水與盈涸者  
異檜松之木與早彫者異比人不如物也其義微婉  
三復可知豈必悲傷泣涕然後信其爲不見答乎○  
章一籊籊然竹竿非不長也以釣于衛之淇垂綸得魚  
豈曰不思顧地隔一方竿之雖長遠不相及矣○章二  
泉源與淇同衛水也泉水在左則淇水在右不與泉  
源相得也水本無情人豈宜爾女子從人各有所合

已離其父母兄弟矣○三章淇水在右則泉源在左又不與淇水同處也水流何心人亦復爾巧笑瑳然而獨樂佩玉儺然而獨行顧影無儔自適其適耳○四章淇水悠悠其流不息檜楫松舟其木後彫物猶有常人何不然我心之憂惟駕言出遊以自舒寫耳○籊籊擗棗棗長貌瑳白色笑而見齒也儺緩行貌檜檜似柏而松身楫橈也寫除也

竹竿四章章四句

芄九蘭之支童子佩觿天雖則佩觿能不我知容兮遂兮垂帶悸叶兮○芄蘭之葉童子佩鞶或雖則佩鞶能

不我甲

叶

容兮遂兮垂帶悸兮

古序曰芄蘭刺惠公也毛公曰驕而無禮大夫刺之  
○按春秋傳云惠公之卽位也少芄蘭草柔以比童  
稚禮國君年十二以上治事成人與庶人童子異然  
有成人之度乃稱成人之服若驕蹇放肆猶之童子  
而已朱子謂此詩不可考當闕夫衛惠公之爲童子  
非不可考也而謂當闕則三百篇之著姓名者無之  
○章一芄蘭之草其枝柔脆童稚之子亦猶此也今佩  
成人解結之觿國君佩成人之觿非過然其材能未  
足知于我而乃雍容焉直遂焉垂帶此觿能無愧心

而驚悸乎○

二章

芄蘭之葉蔓生不能自立如童子佩

成人習射之鞬其材能未必長于我乃容與直遂垂帶此鞬能無驚愧乎○芄蘭一名蘿摩蔓生可食觸以象骨爲之末銳以解結成人之佩也容遂驕肆之狀悸慙愧而驚悸也鞬之言沓也亦謂之撻旣夕禮設依據以韋爲之彊沓右手中三指以放弦也甲長也禮童子不垂帶走則擁之有事則收之

芄蘭二章章六句

誰謂河廣一葦

偉

杭之誰謂宋遠跂

魚

予望

叶

之○誰

謂河廣曾不容刀誰謂宋遠曾不崇朝

古序曰。河廣宋襄公母歸於衛。思而不止。故作是詩也。○按此詩作于衛。未遷國之先。宋襄公爲世子時也。衛都朝歌。在河北。宋都睢陽。在河南。至戴公遭狄難。渡河。文公營楚丘。則衛宋皆在河南。而襄公始爲諸侯耳。按此詩。慈母念子。不爲不切。而不可則止之義。隱然言外。詩之婉而不盡。類此。彼說詩者。必欲直言而後信。何與。○章一誰謂河水廣乎。以我欲往之情。卽一葦可航而渡也。誰謂宋國遠乎。以我睠念之切。卽一翹足望之可見也。○章二誰謂河廣乎。我視之會不容小舟之刀。誰謂宋遠乎。我視之會不過終朝之

程其所以易往而不往者。出母無返也。○杭作航。渡也。跂舉踵也。小船曰刀。與舠通。

河廣二章章四句

伯兮

摯

今邦之桀兮。伯也執殳。

殊

爲王前驅。○自伯

之東。首如飛蓬。豈無膏沐。誰適

的

爲容。○其雨其雨。杲

杲

業

出日。願言思伯。甘心首疾。○焉得諼草。言樹之背。

願言思伯。使我心痠。

妹

古序曰。伯兮。刺時也。毛公曰。言君子行役。爲王前驅。過時而不反焉。○朱子改爲婦人以夫久從征役而作。非也。詩人託閨怨以刺時。猶擊鼓雄雉之類。非必



婦人自作也首章謂以國士執殳其刺曉然○章一伯

兮錫然武壯乃邦國之英傑也今以伯執殳爲王師

前驅與衆卒爲伍亦枉其材矣○章二自伯東行吾首

如亂飛之蓬豈無膏與沐伯旣不在誰爲主而我爲

容飾乎○章三其雨矣其雨矣又復杲杲然出日伯歸

矣伯歸矣又復不歸我願思之至于頭痛不以爲恨

耳○章四聞草有令人善忘者安得樹于堂北以忘我

憂乎然我于伯願言思之雖至心病終不欲忘也○

爰五兵之一長丈二而無刃蓬草名花如柳絮蓬蓬

然也膏油澤髮也沐米汁一名潘以滌垢也適主也

女子以色事人所事者爲主其雨望雨也杲日出貌  
背與北通今人多于堂北牆下作花塲是也癘病也  
○伯兮四章章四句

有狐綏綏雌在彼淇梁心之憂矣之子無裳○有狐綏  
綏在彼淇厲心之憂矣之子無帶叶○有狐綏綏在彼  
淇側心之憂矣之子無服叶

古序曰有狐刺時也毛公曰衛之男女失時喪其妃

配耦焉古者國有凶荒則殺禮而多昏會男女之無  
夫家者所以育人民也○朱子改爲寡婦見鰥夫欲  
嫁之而作真以此詩爲二人偶語非也當世或有所

指亦不必遂爲寡婦自作未有心欲嫁其人又譬以  
爲狐者狐妖物以比明是刺語○章一有狐綏綏然垂  
尾綏行在彼淇水之梁若有所求也欲涉則褰裳我  
心憂子其未有裳乎爲求縫裳者耳○章二有狐綏綏  
在彼淇水之厲振衣欲渡則必用帶心之憂矣子其  
爲無帶乎○章三有狐綏綏然在彼淇水之側旣渡升  
岸可以服矣心之憂矣子其爲無服乎○綏綏曳尾  
遲行貌狐性媚而多疑善渡水厲列石水中踐以渡  
也周禮有厲禁亦遮迺意

有狐三章章四句

投我以木瓜訓報之以瓊琚居匪報也永以爲好叶去聲  
也○投我以木桃報之以瓊瑤匪報也永以爲好也○  
投我以木李報之以瓊玖叶匪報也永以爲好也

古序曰木瓜美齊桓公也毛公曰衛國有狄人之敗  
出處於漕齊桓公救而封之遺之車馬器服焉衛人  
思之欲厚報之而作是詩也○此詩蓋作于齊桓公  
旣死之後衛文公忘齊人再造之恩乘五子之亂而  
伐其喪故詩人追思桓公以諷衛人之背德也夫子  
作春秋諸侯未有書名者衛文公滅邢書名刪詩存  
木瓜惡其不仁也桓公率諸侯城衛遺之車服六畜

繫馬三百。所投良厚。詩言瓜李者。見往來之禮薄。施猶厚報。況如齊者。衛無以報。而奈何身死遂伐之事。辭甚明。朱子改爲男女贈答之辭。此愚所謂好成古人之惡者也。儻謂序說無據。男女贈答。又何據乎。○  
章一人情處困。雖木瓜之賜。重于鼎呂。當致瓊瑤之報。非以瓊瑤報一瓜也。感激情深。託玉示信。以明不忘耳。況所投不止瓜。而敢忘乎。○章木桃雖微。投我于患難之時。卽瓊瑤不足言報。豈以瓊瑤報一桃。唯託此以致求好耳。況不止木桃也。○章三木李雖微。投我于危急之秋。卽瓊玖不足言報。豈以瓊玖報一李。唯

永以爲好耳。況不止木李也。○木瓜似瓜而小木。桃木李因木瓜變言。疊詠非又有木桃如桃。木李如李者也。瓊赤玉琚。佩玉名。瑤玖皆玉類。木瓜三章。章四句。

毛詩原解卷六終

毛詩原解卷七

王

王王城周之東都。今河南府是也。初文武都豐鎬爲西周。成王東營洛邑。奠九鼎。以時朝會。而王仍居西京。至幽王嬖褒姒。黜申后。逐太子宜臼。奔申。申侯率犬戎弑幽王。西京遂亡。晉文侯鄭武公共立。宜臼于東都。是爲平王。號令不行。地方僅六百里。無以異于諸侯。故東都之詩。謂之王風。其以次衛何也。衛與東都皆故殷墟也。紂亡于前。幽厲踵于後。故以東周繼衛。

彼黍離離。彼稷之苗。行邁靡靡。

與離叶米平聲

中心摇摇。知我

者。謂我心憂。不知我者。謂我何求。悠悠蒼天。此何人

哉。○彼黍離離。彼稷之穗。

歲

行邁靡靡。中心如醉。知我

者。謂我心憂。不知我者。謂我何求。悠悠蒼天。此何人哉。

○彼黍離離。彼稷之實。行邁靡靡。中心如噎。叶知我者。

謂我心憂。不知我者。謂我何求。悠悠蒼天。此何人哉。

古序曰。黍離。閔宗周也。毛公曰。周大夫行役。至于宗

周。過故宗廟宮室。盡爲禾黍。閔周室之顛覆。彷徨不

忍。去而作是詩也。○宗周謂鎬京。平王東遷。豐鎬丘

墟。大夫過而傷之。以黍稷比。卽其所見也。○

章彼離



離然垂者其黍邪彼方生而爲苗者其稷邪此地昔  
爲廟朝今爲畎畝使我足靡靡而難前中搖搖而不  
定道路之間誰知我心謂我徘徊不去若有所求而  
感慨之懷誰知之蒼天乎誰人使至此乎○二章彼黍  
離離彼稷成穗足靡靡不前心昏然如醉行道之人  
誰知我心悠悠蒼天何人顛覆至此乎○三章彼黍離  
離彼稷成實行靡靡而不進心結然其如噎道路之  
間誰知我心彼蒼者天何人敗壞至此乎○黍穀名  
春種暑收故名黍離離實垂貌稷粟也一名稌

黍離三章章十句

君子于役不知其期曷至哉叶雞棲西于塒時日之夕

矣泥羊牛下來叶君子于役如之何勿思○君子于役不

日不月曷其有佸話雞棲于桀日之夕矣羊牛下括君

子于役苟無饑渴

古序曰君子于役刺平王也毛公曰君子行役無期

度大夫思其危難以風焉○按詩稱畜產卽匪兕匪

虎之意刺平王不以人道使人也朱子改爲行役大

夫之室家思念而作非也思夫而詠及牛羊雞棲尋

常耕牧之家不似大夫妻若泥君子之稱僚友相呼

亦然豈獨婦人得稱其夫乎詩人託諷非必其婦人

自作也。

○

章一

君子往役。不知還期。今何至哉。雞之放

也。晚必歸棲。羊牛之牧也。日夕下來。畜產且然。況使

其臣乎。君子于役。永無休息。如之何不思也。○

章二

君

子久役。不計日月。何時可以來會。羊牛在外。尚知收

恤。況臣子久役。曾不念其苦乎。君子于役。苟得免于

饑渴否邪。○曷至言遠。不知所去也。鑿牆而棲曰塹。

恬會也。桀。桀也。雞喜宿高處。括至也。

君子于役二章。章八句。

君子陽陽。左執簧。右招我由房。其樂只且。

殖

○君子陶

陶。左執翫。

桃

右招我由敖。

期

其樂只且。

古序曰。君子陽陽。閔周也。毛公曰。君子遭亂。相招爲  
祿仕。全身遠害而已。○此詩猶衛風之簡兮。士不得  
大用。并求爲抱關擊柝。而亦不可得。溷跡優人。而且  
陽陽。自以爲樂。豈非世亂時艱。居高位者爲難免乎。  
故序曰。全身遠害。而周室之衰頽可知。王者詔爵祿。  
馭富貴。士生王國。而厄窮若此。詩人所以閔之。朱子  
改爲婦人美其夫。則辭旨淺陋甚矣。又謂卽前篇君  
子之婦。尤爲迂闊。王國行役。未必止前篇君子。而婦  
人思夫。未必止前篇君子之妻。且何據而知此兩篇  
併出一手也。如此言詩。乃爲鑿空。○章君子生不逢

辰與伶人爲伍。視爾意氣。陽陽自得也。作樂于房中。  
左手執笙。右手招我。由房。道雖不達。全身遠害。其樂  
甚矣。○二章君子陶陶然。左手執羽旄之翻。右手招我  
由房之輿。道雖不行。韜光晦迹。不已樂乎。○簧笙中  
金葉。房人君小寢之房。房中作樂。蓋俳優雜劇。周禮  
大宗伯旄人。所謂燕樂是也。燕閒之樂。非廟朝之雅  
故。曰房中。鄭康成謂天子用周南。諸侯用召南。按二  
南旣與鹿鳴諸篇合作于堂上。何得又以爲房中之  
樂。燕禮附之篇末。其非正歌可知。且者。甚之之辭。翻  
與蘇通。羽旄之屬。舞者所執。教與輿通。房中深處也。

○君子陽陽二章章四句

揚之水不流束薪彼其記之子不與我戍庶申懷哉懷

哉曷月予還旋歸哉○揚之水不流束楚彼其之子不

與我戍甫懷哉懷哉曷月予還歸哉○揚之水不流束

蒲叶彼其之子不與我戍許懷哉懷哉曷月予還歸哉

古序曰揚之水刺平王也毛公曰不撫其民而遠屯

戍于母家周人怨思焉○按王室有難諸侯之師戍

之侯國有難方伯連率救之天子者制命者耳未有

徹畿內之兵下戍侯國者也申侯召犬戎弑幽王滅

宗周窮凶極惡法所必討申有楚難平王反遣畿內

民爲戍忘殺父之怨而懷立己之恩民彝泯矣詩人不忍直斥託揚之水以比其衰微蓋是時周室播遷非有餘勇可賈特以受人施者畏人欲不爲之役不可得耳寄生之天子旣不能令于諸侯六百里之甸卒又無人可爲踐更故行者有不均之歎然必責六師同行雖盡發洛邑之老稚亦不足矣力本寡弱而使人又不以道人所以怨之苟師出有名討賊興復如夏少康一成一旅人誰敢謂爲揚之水哉夫子刪詩存此篇書錄文侯之命其作春秋始平王垂戒遠矣薪率也楚愁也蒲逋也民辛苦愁思則有逋逃故

以爲比○

章一

水壯則其流勇悠揚之水力不能流一

束之薪周室寡弱亦猶是也我以二三弱卒遠戍瓜

期已過在國之衆不與我相代戍申久役懷思何月

始得代而予乃還歸也○

章二

悠揚之水力不能流束

楚在國之衆不與我更戍甫思歸甚亟何月乃代予

使還也○

章三

悠揚之水雖蒲亦不能流彼在國衆人

不與我戍許思歸甚切何月始得代而予乃還也

揚之水三章章六句

中谷有雅

退平聲

曠

罕

其乾

干

矣有女仇

不

離

慨聲

其

嘆

矣嘽其嘆矣遇人之艱難矣○中谷有雅曠其脩



宿矣有女仳離條其叶笑歎矣條其歎矣遇人之不淑矣○中谷有推曷其濕矣有女仳離叶肅嘷其泣矣嘷其泣矣何嗟及矣

古序曰中谷有推閔周也毛公曰夫婦日以棄薄凶年饑饉室家相棄爾○朱子改爲婦人自述其悲怨之辭非也凶年饑歲夫婦不相保婦見棄而不忍去詩人傷之故其辭曰有女仳離安在其爲婦人自作也中谷溝中也推之言推也推而納之溝中寓言夫棄婦也推草耐旱一名充蔚一名益母充裕益母寓言富歲多賴今歲凶多暴也○草一山谷之中有推草

焉至易生也恒暘亢膜推亦乾矣有女見棄別離其夫慨然而嘆慨嘆伊何天災流行遇其夫之艱難也

○

二章

中谷有推膜氣酷烈亦脩殺矣有女別離條然

長歎長歎伊何遭其夫之不幸也○

三章

中谷本濕膜

甚則濕亦燥矣有女別離啜然飲泣飲泣奈何事已至此雖嗟嘆無及矣○推通作崔離也葵亦名離色皆蒼青也膜燥也仇別也脩與條通豳風予羽條條消殺之貌條長也蹙口舒氣曰歎與嘯同不淑年凶荒也啜泣吞聲也無聲出涕曰泣

中谷有推三章章六句

有兔爰爰雉離于羅我生之初尚無爲叶我生之後逢

此百罹叶尚寐無吽俄○有兔爰爰雉離于罟叶孝我

生之初尚無造我生之後逢此百憂叶尚寐無覺叶教○

有兔爰爰雉離于罟充我生之初尚無庸我生之後逢

此百凶尚寐無聰

古序曰兔爰閔周也毛公曰桓王失信諸侯背叛構

怨連禍王師傷敗君子不樂其生焉○鄭莊公爲桓

王卿士王奪之政鄭伯不朝王伐之鄭伯敗王師射

王中肩天下遂以輕周故詩人閔之朱子改謂君子

泛然憂亂而作非也兔走雉飛上下之比走者自得

飛者被羅比王師敗績于鄭也。兔言毒也。雉言癡也。  
鄭伯寤生也。反復詠嘆我生寐而無寤。寓鄭伯倡亂  
五霸作而王綱墜。詩人之志與春秋之義同也。○章一  
兔走舒緩自得。雉能飛而反麗網羅。鄭人驕恣。王師  
敗績猶是也。我生之初天下尚無事。我生之後逢此  
百憂。將如何。唯有昏睡不動付世事。不知尚可耳。○  
章二有兔爰爰。雉麗于覆車。世事倒置如此。我生當其  
時。將如何。庶幾寐寢付之罔覺而已。○章三有兔爰爰  
雉麗于罍。世道如此。生逢斯時。將如何。唯有寐寢付  
之罔聞而已。○百罹百憂也。叱動也。畢今之翻車施

胥以捕鳥者置卽學也

兔爰三章章七句○按春秋傳鄭莊公敗王師于繻葛此霸者無王之始也自是以後桓文迭興諸侯相攻而天下大亂王霸升降之際故曰我生之後尚無爲我生之後逢此百憂王跡熄于五霸春秋始于詩亡以此後儒言春秋辨霸失兔爰之意矣

緜緜葛藟

葉

在河之許

虎

終遠兄弟謂他人父

甫

謂他

人父亦莫我顧

叶

○緜緜葛藟在河之涘

叶

終遠兄弟

謂他人母

叶

謂他人母亦莫我有

叶

○緜緜葛藟在河

之涘

純

終遠兄弟謂他人昆謂他人昆亦莫我聞

古序曰葛藟王族刺平王也毛公曰周室道衰棄其九族焉○朱子改爲民去鄉里家族而流離失所者自作蓋誤解謂他人父爲稱他人爲父非也詩以葛藟比兄弟綢繆葛藟生于山不生于河水在河不在于山以比兄弟望潤澤而不得也兄弟相親以父母同耳不顧兄弟是不顧父母而謂他人爲父母矣不直斥其薄而諷之以二本怨而不怒也如朱說流民適異國呼他人爲父母則其文義鹵莽亦甚矣○草一絲絲然葛藟延蔓猶同氣之相親也安得在河之涯沾彼洪潤乎今王終疎遠兄弟不思與我同父是彼

自謂他人爲父矣。不與我同父。何怪其不我顧邪。○  
二章 緜緜葛藟。在河之涘。思沾一滴之潤。不相及也。兄  
弟同母。所以相親。爾謂他人爲母。故視我如無有耳。  
三章 緜緜葛藟。在河之漘。今終遠兄弟。而恩波不及。  
爾惟謂他人爲兄。故與我漠然不相聞耳。○岸上曰。  
許涖水涯也。漘岸邊也。昆兄也。

葛藟三章章六句

彼采葛緜叶兮。一日不見。如三月兮。○彼采蕭蕭叶兮。一日  
不見。如三秋兮。○彼采艾兮。一日不見。如三歲艾叶兮。

古序曰。采葛。懼讒也。○朱子改爲淫奔者。託以行。指

其人而思念之非也以一日三秋爲閨思是委巷之言耳讒口傷人乘其間隔韓愈氏謂日隔之疎加以忌者之說哲人憂讒每在去後故曰一日不朝其間容刀君臣相與近則親而遠則疎君子日在君側精誠可以直通羣邪有所畏而不敢小人譖君子必伺其間隔蓋君子易退難進孟軻致主憂十寒于退後趙高竊秦使二世深居人不得見而後馬鹿之計行霍光出沐而後上官之譖入自古小人排君子權奸欺庸君未有不始于離間而終于陷害者詩人憂一日不見其慮深矣詩可以觀殆是類與如以爲淫奔



之辭失之千里○

章一

人情疑生于不見故讒言每起

于去後葛之爲物可以織也彼方采之讒言蔓引何

以異葛一日不在恐乘間羅織不知其幾如三月之

久矣○

章二

蕭之爲物可以蕪彼將采之讒言熏灼何

以異蕭一日不在乘間蔽明不知其幾殆如三秋矣

○

章三

艾可以灸彼將采之讒言爍膚何以異艾一日

不在乘間銷骨不知其幾殆如三歲矣

采葛三章章三句

大車檻檻

聲銜上

毳

聲吹去

衣如茨

毳

豈不爾思畏子不敢

大車噉噉

吞

毳衣如璫

門

豈不爾思畏子不奔○穀則

異室死則同穴

入叶

謂予不信有如皦皦日

古序曰大車刺周大夫也毛公曰禮義陵遲男女淫奔故陳古以刺今大夫不能聽男女之訟焉○朱子改謂周衰大夫有能以刑政治其私邑者故淫奔者畏而歌之非也當時若實有此大夫則此詩之作爲無謂矣謂爲刺之而非惡也謂爲美之而非賢也奚取而歌焉子云聲色之於以化民末也聽訟吾猶人也必也使無訟乎聞章聲而恐見服色而懼古之大夫猶能聽訟今之大夫聽訟之未能也是以爲刺○  
章一古大夫乘其大車檻檻然有聲繡毳于衣色青如

莢其等威物色。人所嚴憚。故男女相戒曰。豈不爾思。  
畏乘車衣毳者。不敢耳。○章二大車噶噶然。其行遲重。  
毳衣色赤。如玉之璜。淫者相戒曰。豈不爾思。畏乘車  
衣毳者。不敢奔耳。○章三彼一時也。男女有禮。生則異  
居。不敢相瀆。死則同穴。不敢有二志。且曰。謂予不信。  
有如白日。其自誓守正如此。○莢。荻也。亦謂之雛。毳。  
柔毛也。繡毛獸于衣。于男之服。天子之大夫四命服。  
視子男也。穀。生也。老子曰。谷神不死。穀與谷同。

大車三章章四句

丘中有麻。彼留子嗟。彼留子嗟。將錫其來施施。○丘

中有麥。彼留子國。叶彼留子國。將其來食。○丘中有李。

彼留之子。彼留之子。貽我佩玖。叶

古序曰。丘中有麻。思賢也。毛公曰。莊王不明賢人。放逐國人。思之而作是詩也。○朱子改爲婦人望其所與私者。不來而疑之。據詩中留字解。非也。按留人姓古者。因土錫姓。中州有陟留。漢有留侯。通作劉。晉士會奔秦。及其子有留秦者。爲劉氏。國策云。處者爲劉。春秋周大夫有劉子。卽其族也。今加作者以穢汙之名。傷聖人刪定之旨。謂序說無據。朱又何據也。謂國人思賢望其來。則悠然可風。謂婦人思男子。疑有

留之者則醜惡而不可道矣○章畝丘之地有麻可  
績野人之居也屏處側陋彼留氏子嗟乎其肯施施  
然間行而來乎○章二丘中有麥野人之食也彼留氏  
子國鬱鬱處此將肯來就我而食乎○章三丘中有李  
園林之居也彼留之子若其肯來貽我善道如佩玖  
矣○留周大夫劉氏古劉與留通大雅桑柔篇云將  
采其劉亦謂殘葉存留者也古人不欲盡物故殺曰  
劉如邊劉虔劉之類子國其字也嗟嘆辭施施旁行  
逶迤貌孟子云施施從外來佩玖猶言金玉喻善道  
也

丘中有麻三章章四句

毛詩原解卷七終

毛詩原解卷八

鄭

鄭本西周畿內之邑。卽今陝西西安府華州。宣王以封其弟友爲鄭桓公。桓公爲幽王司徒。死于犬戎之難。其子掘突嗣爲武公。與晉文侯定平王于東都。亦爲司徒。遂併虢鄆之地。施舊名于新邑。是爲新鄭。卽今河南開封府新鄭縣。畿內之國也。周室東遷。鄭爲輔諸侯。無王。鄭爲先。五霸迭興。鄭爲首。故鄭風次王緇衣之宜兮。敝予又改爲兮。適子之館叶上聲兮。還予授子之粲叶慘兮。○緇衣之好叶上聲兮。敝予又改造叶早兮。適子

之館兮。還予授子之粢兮。○緇衣之蓆席兮。敝予又改作兮。適子之館兮。還予授子之粢兮。

古序曰。緇衣。美武公也。毛公曰。父子並爲周司徒。善於其職。國人宜之。故美其德。以明有國善善之功焉。○鄭武公以諸侯入爲天子大夫。繼父職。世濟其美。故曰善善言以善繼善也。禮大夫祭服爵弁絲衣。色纁。朝服皮弁布衣。色緇。故以緇衣比。蓋上之取于下也。有布縷爲衣服。有力役爲宮室。有粟米爲飲食。上仁而下樂輸。則三者皆民之愛也。下不樂而上誅求。則三者皆民之怨也。武公善其職。故詩託言衣與館。



與粢見民力所自竭于上者惟此而情誼不勝慙懃  
矣故曰好善莫如緇衣○章一子爲王卿士服緇衣甚  
宜也衣久則敝我爲子改爲之願常居此職服此服  
也子有館舍吾適館以親近周旋子退朝而食于館  
吾還家取粢以授子凡吾民力所能致者無不樂爲  
之供也○章二子服緇衣何其好乎敝則爲子改造適  
子之館以就子還而取粢以授子也○章三子服緇衣  
其蓆而安乎敝則爲子改作適子之館問子還而取  
粢以授子也○聲殘去粢米之精者爾雅云餐孫也通  
作飧熟食也

緇衣三章章四句

將

鏘

仲子兮無踰我里無折我樹杞豈敢愛之畏我父

母

米叶

仲可懷也父母之言亦可畏也○將仲子兮無踰

我牆無折我樹桑豈敢愛之畏我諸兄和仲可懷也諸

兄之言亦可畏也○將仲子兮無踰我園無折我樹檀

叶豈敢愛之畏人之多言仲可懷也人之多言亦可畏

也

古序曰將仲子刺莊公也毛公曰不勝其母以害其  
弟第叔失道而公弗制祭仲諫而公弗聽小不忍以  
致大亂焉○朱子改爲淫奔之辭非也詩寓言莊公

逆母殺弟之事詳春秋傳蓋莊公殺段之心切于祭仲欲早圖而公欲養成故詩人因祭仲之諫托爲莊公拒仲之辭仲子卽祭仲也畏父母諸兄國人云者借莊公之口以誅其心辭若寬而心甚險千載讀之如見肺肝詩所以善于諷也若朱子言詩必睚眦怒罵而後謂之刺少涉情致卽斥爲淫奔矣杞木高桑木韌檀木堅以比公室強而段無能爲也○章請仲子兮勿遽然踰我之居折我之杞非愛杞也踰里折杞事跡顯著恐父母有言仲子雖可懷父母之言亦不得不畏姑徐徐可也○章請仲子兮無踰牆折

我桑豈敢愛桑。踰牆折桑。事涉造次。恐諸兄有言。不  
得不畏。從容圖之可也。○章三請仲子。今無踰園折我  
檀。非敢愛檀。事涉急遽。恐國人多言。仲雖可懷。人言  
不得不畏。待時可也。○將猶請也。里居也。

將仲子三章章八句

叔于田

叶

巷無居人。豈無居人。不如叔也。洵美且仁。○

叔于狩

叶

巷無飲酒。豈無飲酒。不如叔也。洵美且好。叶

○叔適野

叶

巷無服馬。豈無服馬。不如叔也。洵美且

武。

古序曰。叔于田。刺莊公也。毛公曰。叔處于京。繕甲治

兵以出于田。國人說而歸之。○毛說正明古序所以刺莊公之故。朱子因謂國人愛段而作非也。莊公縱弟遊蕩。比昵羣小。無賢父兄之教。以陷于大逆。春秋傳所謂鄭志也。詩若美段而志在諷公。但極道其于田飲酒服馬。而公之棄其弟可知。如以爲國人美段意索然矣。○章一叔時出而往田。經行里巷。與巷之人比而巷若無有。居人非無居人也。雖有人不如叔之信美而且仁耳。○章二叔出狩。與巷之人狎而飲酒。飲酒無有能過之者。非無善飲不如叔之美而好耳。○章三叔遊野外。與巷之人乘馬。乘馬無有能過之者。非

無乘馬。不如叔之美。且武耳。○洵信也。服猶乘也。

叔于田三章章五句

叔于田。乘乘馬。去聲。執轡如組。祖。兩驂如舞。叔在藪。火

烈。具舉禮。坦。裼夕暴。搏。虎獻于公所。將鎗。叔無狂。戒其

傷女。汝。○叔于田。乘乘黃。兩服上襄。兩驂鴈行。杭。叔在

藪。火烈。具揚。叔善射忌。記。又良御。夜。忌抑磬控。聲。忌

抑縱送忌。○叔于田。乘乘鵠。保。兩服齊首。兩驂如手。

叔在藪。火烈。具阜。府。叔馬慢。聲。忌叔發罕忌。抑釋棚。

冰忌。抑鬯。暢。弓。叶。忌。

古序曰。大叔于田。刺莊公也。毛公曰。叔多才而好勇。

不義而得衆也○朱子改爲鄭人愛段而作非也序  
意與前章同刺莊公無中才之教陷其弟于惡也夫  
溫文恭儉人主之美節射獵馳騁狎邪之遊行叔段  
爲君母弟夫人愛子而無師保學問與羣小田獵飲  
酒身親搏獸控參馳馬以爲事何待鄙之役而知其  
有將崩之患矣二詩亟道段材藝武勇其繕甲治兵  
不軌之志隱然言外莊公逆知其然而有意養成之  
所以不仁也夫子刪詩存此戒人君父兄於子弟愛  
之能勿勞乎若謂鄭人美段而作何足以風○一章叔  
之往田也駕車有四馬叔自執轡調和如組兩驂馬

在外應手如舞。叔在澤藪。縱火焚林。四圍俱舉。袒其  
裼衣。赤手搏虎。獻于公所。而其徒曰。請叔勿輕易。防  
其傷汝也。○二叔于田。四馬皆黃。中兩服馬。乃上駕  
之良。外兩驂馬。稍後如鴈之行。叔既善射。又復善御。  
其御也。磬以騁馬。控以止馬。疾徐如意也。其射也。放  
弦而縱矢。往而送。開發有力也。○三叔于田。四馬皆  
驪白之鵠。兩服並首齊一。兩驂稍後。如兩手。叔在藪。  
火烈。阜盛。獵事將終。馬行慢矣。矢發罕矣。乃釋箠蓋。  
而納矢焉。乃歿其弓于地中焉。○上襄上駕。謂良馬  
也。一車四馬。中二爲服。外二爲驂。驂稍次服後。如飛。



鴈斜行如人兩手也。磬馭馬曲折如磬也。控持馬使止也。鵠馭通驪白雜毛曰鵠。阜盛也。捫矢箝蓋也。釋蓋將以納矢也。鬯弓囊也。與輶通。抑忌皆語辭。

大叔于田三章章十句。○凡諷刺不在多言。前章言巷則與市井羣小狎可知。此章言檀袞暴虎則粗豪不檢可知。二篇皆名叔于田。此云大者。前短章此大篇也。段稱京城大叔。

清人在彭。

叶

駟介旁旁二矛。

叶

重。

叶

英。

叶

河上乎翱翔。

○清人在消。駟介麋麋。

標

二矛重喬。河上乎逍遙。○清

人在軸。駟介陶陶。左旋右抽。

與軸

中軍作好。

葉

古序曰清人刺文公也。毛公曰高克好利而不顧其君。文公惡而欲遠之。不能使高克將兵而禦狄于竟。陳其師旅。翱翔河上。久而不召。衆散而歸。高克奔陳。公子素惡高克。進之不以禮。文公退之不以道。危國亡師之本。故作是詩也。○按軍旅國之大命。人臣有罪。不能伸法。而以三軍之命。羈勒一罪人。苟擁衆作亂。則危國。率衆出奔。則亡師。公子素所以惡而作是詩也。春秋書鄭棄其師。與詩錄清人。義正同。清河上邑彭消軸。不必皆有是邑。彭盤通樂也。消散也。軸旋也。皆遊嬉之名。詩者聲音之道。諧聲以爲比耳。○

清邑之兵從其將于河上之彭四馬被甲旁旁然不  
息車上建二矛矛上有重英武備雖設無所事事河  
上乎翱翔而已○章二清人在河上之消駟介麋麋然  
武勇二矛喬聳于車上無所事事河上乎逍遙而已  
○章三清人在河之軸駟介陶陶然舒遂車左執御者  
旋車以爲戲車右擊刺者抽戈以爲樂將軍居中脩  
其容好而已○矛兵器二矛夷矛酋矛也酋矛長二  
丈夷矛長二丈四尺喬高貌

清人三章章四句

羔裘如濡洵直且侯彼其記之子舍故命不渝叶○羔

裘豹飾孔武有力。彼其之子，邦之司直。○羔裘晏兮，三

英粲

榮去聲

兮。彼其之子，邦之彥兮。

岸叶兮

古序曰：羔裘刺朝也。毛公曰：言古之君子以風其朝焉。○此詩刺大夫立朝不稱其服。而朱子改爲美大。夫蓋誤以彼其之子爲美辭。按詩稱彼其者，皆刺之辭。王風揚之水，衛風汾沮洳，唐風椒聊，曹風侯人，而此則託古諷今，稱賢人刺不賢人也。言古賢者德稱服，彼其之子不能耳。○章一古者爲臣立朝服，必求稱此羔裘毛色潤澤，信乎順直而且美也。彼其之子服此服，能安處天命，始終不變，乃爲有直侯之德而無

忝如濡之美。今其能然否邪？○二章羔裘以豹皮飾袖。其服色甚武有力。彼其之子服此服。能守正不阿。爲邦國主張直道。斯稱厥服矣。○三章羔裘晏然。鮮盛飾以三英。粲然潔白。彼其之子服此服。爲邦國美士。無媿于浚明之德。斯可矣。○羔羊之皮爲裘。冬月之朝服也。洵信也。直順也。侯美也。彼其之子。指所刺之大夫。舍命猶言安命。渝變也。豹飾以豹皮緣領袖也。孔甚也。司直主張直道也。三英猶言五紵。以緣飾裘之名也。彥美士也。各章末句皆責望之辭。

羔裘三章章四句

遵大路兮摻<sup>三</sup>上執子之祛區<sup>去</sup>兮無我惡祛<sup>去</sup>兮不寔<sup>上</sup>故也○遵大路兮摻執子之手兮無我醜<sup>丑</sup>兮不寔<sup>上</sup>也

古序曰遵大路思君子也毛公曰莊公失道君子去之國人望思焉○按鄭莊公射王幽母身蒙大惡左右用事惟祭仲祝將高渠彌之徒宜君子相率而去也國人追思桓武之烈援而止之欲其不以今惡棄舊好念先德而惠顧嗣君也遵大路者比率君子之道願畱受教也其志本正其語音奸濫朱子因改爲男女相悅之辭蓋據論語鄭聲淫以槩鄭風諸詩誤

也。夫所謂淫者，鄭之聲耳。聲與詩有辨，詩志也，聲辭也。孟子云：說詩者不以辭害志。是詩志本思君子而辭似婦人，豈可以辭遂改爲淫詩乎？朱傳未當。然亦足以明鄭聲之爲淫，而初學諷誦焉能無惑。故君子立言崇雅，聖人發無邪之旨，嚴放鄭之戒，有以也。顧其志本正，其辭闕理亂，烏容廢之，所以放鄭聲而不刪鄭詩。存鄭詩而欲放鄭聲，惟學者勿以辭害志可矣。○一章遵彼大路，攬執子之衣袂而留之，子無惡我不留，故舊之情未可倉卒寔然而去也。○二章遵彼大路，攬執子之手，子無覲我而不留，與爾舊好不可一

旦寔然相棄也○摻擊牽持也子指君子之欲去者  
祛袖口也寔速也故好指鄭先公之好賢者我惡我  
醜皆指莊公醜醜陋也

遵大路二章章四句

女曰雞鳴士曰昧旦子興視夜明星有爛將翱將翔弋  
鳬符與鴈○弋言加戈叶之與子宜侯叶之宜言飲酒與子  
偕老魯叶琴瑟在御莫不靜好吼叶知子之來列叶之雜佩  
以贈則叶之知子之順之雜佩以問之知子之好去之雜  
佩以報之

古序曰雞鳴刺不說德也毛公曰陳古義以刺今不



說德而好色也○朱子改爲述賢夫婦相警戒之辭  
非也首二章自士曰以下爲夫語婦身勤職業親賓  
客保室家不以宴安爲樂也未一章爲婦答夫相其  
夫親賢取友尤不以射弋飲酒爲樂也古之賢夫婦  
交儆如此今人不然所以爲刺然必先有賢夫而後  
有賢婦士身行道而後行于妻子女曰雞鳴不過告  
以寢興之常期士曰昧旦則憂其晚矣故士之志尤  
敏于女也射獵在男子中饋在婦人士能勤業故以  
中饋戒女士不說色而好德故女損服飾以相夫有  
卷耳進賢之志不獨中饋之脩耳蓋惟有文王而後

有后妃有昧旦之士而後有雞鳴之女故序曰刺不  
悅德刺男子也○章一禮雞初鳴夫婦盥漱適父母舅  
姑所故其婦曰雞旣鳴矣其夫曰昧旦不止雞鳴矣  
子起視夜如何乎啓明之星爛然出矣事早則從容  
我將翱翔以往弋取鳧鴈勤生治業男子之事也○  
章二射獵在男子而中饋在婦人予往以弋取鳧鴈歸  
而與子謫其豆品與賓客所宜者與之飲酒賴仁賢  
之助以保室家庶可與爾偕老矣君子無故不徹琴  
瑟室家安樂則琴瑟在御亦安靜和好憂勤可以致  
福豈以同夢爲樂乎○章三婦答夫曰子有親賢之志

我何事于服飾之美。就是子所延納而來者。我以雜佩贈送之。就是子莫逆而順者。我以雜佩問遺之。就是子同心相好者。我以雜佩報答之。豈徒中饋飲食。爲親賢之資而已邪。○昧旦猶昧爽。天色晦昧將旦也。翱翔從容行貌。室家無事早起。故從容往弋鳧鴈。一以習射。一以供賓豆也。弋以絲繫矢射飛鳥也。鳥暮集晨飛。故弋宜早。矢著飛鳥曰加。宜者。謫其可也。鳧鴈可賓豆。豆品不一。賓貴擇人。故謀其所宜也。飲酒與賓客飲也。與子偕老。爲善之慶也。凡器在前曰御。靜好安和也。雜佩佩玉也。雜者非一之辭。

女曰雞鳴三章章六句

有女同車顏如舜華

數

將翔將翔佩玉瓊琚彼美孟姜

洵美且都○有女同行

叶

顏如舜英

叶

將翔將翔佩玉

將將

鎗

彼美孟姜德音不忘

古序曰有女同車刺忽也毛公曰鄭人刺忽之不昏

于齊太子忽嘗有功于齊齊侯請妻之齊女賢而不

取

娶

卒以無大國之助至于見逐故國人刺之○朱

子改爲淫奔之辭非也謂忽辭昏非惡見逐無罪國

人無爲刺之夫國人正以忽無罪見逐而突特以大

國之助奪嫡苟忽亦有助何至于此此國人爲忽黨

者之見未暇論昏之當辭與不當辭也豈得遂改爲  
淫詩乎○章一有女親迎與之同車其顏色之美如舜  
華其儀度翱翔雍容其服飾佩玉有瓊琚惜哉彼美  
孟姜信美而且閑雅也○章二有女與之同歸其顏如  
舜之英其丰度翱翔佩玉和鳴惜哉孟姜美善之音  
至今不能忘也○舜華木槿花也都閑雅也德音言  
語之美也卽齊人請昏之音不忘者追悔也  
有女同車二章章六句

山有扶蘇隱有荷華叶不見子都乃見狂且疽○山  
有橋松隱有游龍不見子充乃見狡童

古序曰山有扶蘇刺忽也毛公曰所美非美然○刺  
忽之所謂君子者非君子也朱子改爲淫女戲其所  
私非也扶蘇橋松喻君子之孤危荷華游龍喻小人  
之榮寵詩人傷國事之非而恨世子之不可輔也故  
爲子都狂童之比○章扶疎之木生于高山芙蓉之  
花生于下濕物理自然今君子沈淪而小人高張不  
得見子都之美而乃見此狂人賢否倒置國事可知  
矣○章二喬高之長松則宜在山游縱之龍草則宜在  
隰今賢否失宜不如草木不見子充之美而乃見此  
狂童也○扶蘇猶扶疎枝葉高張之貌子都美人也

狂童惡少也。且甚之之辭。橋高貌。游枝葉放縱也。龍紅草也。一名馬蓼。生水澤。

山有扶蘇二章章四句

攴攴兮攴攴風其吹女攴叔兮伯叔兮叔倡去兮和天女

○攴攴兮攴攴風其漂女叔兮伯兮倡予天要天女

古序曰攴攴刺忽也。毛公曰君弱臣強不倡而和也。

○朱子改爲淫女之辭非也。誦其詩淒然有歲寒搖

落之感。是時鄭忽初立外無重援內無良輔國人憂

孤危而勉其寮友共濟所謂倡和云者未知何事。味

其辭似有去志所以忽終不振也。○章落葉辭樹風

其吹女矣。今之孤立其能久乎。叔伯諸臣汝其善倡。  
予將和汝焉。○二章木葉將隕。風其漂女。叔伯諸臣汝  
其善倡。予將要汝焉。○三章槁將落曰。擇要成也。

擇兮二章章四句

彼狡童兮。不與我言兮。維子之故。使我不能餐。孫兮○  
彼狡童兮。不與我食兮。維子之故。使不能息兮。

古序曰。狡童刺忽也。毛公曰。不能與賢人圖事。權臣  
擅命也。○朱子改爲淫女見絕。而戲其人之辭。非也。  
謂忽以世子逐于權臣。無大罪。不宜國人數刺之。意  
按鄭忽初卽位之事。無所考。但突以庶子能致外援。



得國豈獨祭仲之力抑亦忽有不滿于諸侯與國人者故春秋不稱鄭伯而書名不成其爲君也與詩刺忽意正同朱子疑狡童未可目君聖人未應與之愚按刺忽者多突之黨忽以嗣君初立席未煖而見逐故突黨狎之無異童子不童而人能攜其有乎箕子麥秀之歌呼紂亦然人主使國人呼爲狡童其爲君可知矣若以聖人不刪爲與之詩宜刪不刪者多矣如唐風椒聊無衣皆篡賊之辭錄以志戒耳豈盡爲與之乎○章嗣君孤立無老成持重之才狡童而已我欲効忠不與我言將若之何維子之故使我憂慮

不能餐也○二章彼狡獪無知之童不與我同食以子之故使我憂不能安息也

狡童二章章四句

子惠思我褰裳涉溱子不我思豈無他人狂童之狂也  
且直○子惠思我褰裳涉洧子不我思豈無他士史狂童之狂也且

古序曰褰裳思見正也毛公曰狂童恣行國人思大國之正已也○朱子改爲淫女語其所私者之辭非也蓋鄭突以庶子奔嫡曾宋衛陳蔡助之以入于櫟而終有鄭國忽孤立被弑以死當時爲突黨者不獨

一祭仲可知此則國人爲突望諸侯之辭人情驗戲  
如此聖人皆存之以見垂統者貽謀爲先繼世者人  
心爲本鄭初有叔段後有子突皆背公植黨羽翼成  
而禍延累世其爲有國者殷鑒甚遠今不深惟其旨  
槩斥爲淫奔其可乎其可乎○章一狂童猖獗子大國  
能惠顧我則褰裳涉溱水以告子爲不徒矣子不我  
思大國亦多矣豈無他人而獨子乎今狂童之狂亂  
已甚亟救正之可也○章二子惠思我則褰裳涉洧以  
迎子子不我思隣國多矣豈無他士而獨子是望乎  
狂童交亂其狂甚矣○子指大國君臣溱洧鄭二水

名狂童指忽且者甚之之辭

褰裳二章章五句○按鄭風如擗兮狡童褰裳諸篇慷慨傷時而其言皆似婦人艷語此所謂鄭聲好濫淫志者也故曰詩言志勿以辭害志如以辭而已凡鄭詩孰不可目爲淫奔乎朱傳所以偏執成誤也

子之丰

風叶

兮俟我乎巷

去叶

紅聲

兮悔予不送兮

○子之昌

兮俟我乎堂兮悔予不將兮

○衣錦褰

景

衣裳錦褰裳

叔兮伯兮駕予與行

杭叶

○裳錦褰裳衣錦褰衣叔兮伯

兮駕予與歸

古序曰丰刺亂也毛公曰昏姻之道缺陽倡而陰不

和男行而女不隨○朱子改爲婦人與男子失期悔而作非也蓋昏禮不明壻親迎而婦不行後悔而望其復來女之有二志者詩人託言刺之坊記云壻親迎見于舅姑舅姑承女以授壻恐事之違也以此坊民婦猶有不至者卽指此類若謂與男子失期是奔也豈有奔其人而盛服待車馬者乎按士昏禮壻親迎女登車姆爲加景乃驅景與駉通加駉衣于禮衣上避道路風塵也詩蓋援此禮諷失禮者男言容貌女言服飾誨淫之意葛覃歸寧衣澣濯之衣耳婦人從一而言叔伯者不貞之辭所以爲刺○

章一子之妾

貌丰然充美前日來親迎俟我于門外之巷悔我未得送子而去也○二章子昌然壯盛前日親迎俟我于

堂悔我不將子同歸也○三章今我行計備矣衣錦之

外加單衣裳錦之外加單裳服飾整齊但或叔或伯

以車來駕我即與之同行耳○四章錦裳外加褰裳錦

衣外加褰衣服飾既備俟伯叔車來駕我與之同歸

耳○丰昌皆言容貌之美褰與景通明也即周禮所

謂素紗蒙于禮服上者叔伯不定其人之辭

丰四章二章章三句二章章四句

東門之墠

叶如

蘆閭

在阪

反

其室則邇其人甚遠○

東門之栗有踐家室豈不爾思子不我卽

古序曰東門之墀刺亂也毛公曰男女有不待禮而相奔者也○此詩託爲淫女自言東門城東門衆所經行也墀與壇通除地曰墀無防閑之比茹蘆菹也賤之轉也茹蘆之言如驢禽行之比指淫夫也阪山岡以比阻隔東門之栗生道旁人所易探踐之言淺也淺家室易窺也○章一城東門有平坦無翳之墀茹蘆之生乃遠在山阪之上地本易達而自生阻隔豈非室則邇而人自遠邪○章二東門有栗行人皆得取之況我室家甚淺易窺豈不爾思爾不我就耳

東門之墀二章章四句

風雨淒淒雞鳴喈喈叶既見君子云胡不夷○風雨瀟

瀟雞鳴膠膠交既見君子云胡不瘳叶○風雨如晦叶

雞鳴不已既見君子云胡不喜

古序曰風雨思君子也毛公曰亂世則思君子不改

其度焉○朱子謂詩辭輕佻狎昵非思賢之音改爲

淫女風雨時見所期之人而心悅非也夫輕佻狎昵

者鄭之聲也然其志本思君子焉得以辭害志風雨

雞鳴亂世慘黯景象以爲心悅亦不倫○章一風雨淒

淒然天氣陰曠時暑難測然雞自喈喈長鳴不失晨



午之期君子生當亂世不改其度亦猶此耳我得見  
之則心平矣○二章風雨瀟瀟有聲雞聲膠膠亂鳴儻  
得見君子何憂不瘳乎○三章風雨雖晦雞鳴不已既  
見君子云何不喜乎

風雨三章章四句

青青子衿今悠悠我心縱我不往子寧不嗣音○青青  
子佩悠悠我思縱我不往子寧不來離叶○挑兮達兮叶  
在城闕兮一日不見如三月兮

古序曰子衿刺學校廢也毛公曰亂世則學校不脩  
焉○朱子謂辭意儇薄施之學校不似改爲淫奔非

也若使辭不僂薄何以爲鄭聲學子青衿古今皆然  
同學少年往來嗣音正朋徒久要之言如謂語僂薄  
鄭詩皆然若皆斥爲淫則舉鄭國君臣師弟朋友莫  
匪淫人所行莫匪淫事何以爲國自男女外豈遂無  
詩而夫子何獨盡取淫人淫事以寶其所謂鄭聲淫  
之一語隘且刻矣淫詩不刪所刪又何等詩乎○章一  
衣以青飾衿學子之服也昔嘗與子羣居今者離羣  
使我悠悠思之平生之言久要不忘縱我不往子寧  
不繼聲以相問乎○章二青青然子佩離居久矣使我  
悠悠思念縱我不往子寧不一來乎○章三廢學不講

遂縱佚遊挑然輕侮達然放肆間行登眺在彼城隅  
之高闕學問之道爲間不用則荒一日不見念予如  
三月矣○衿衣領也嗣音音問不絕也佩佩玉士佩  
璫珉青組挑達放浪也城闕城樓也國學在城中

子衿三章章四句

揚之水不流束楚終鮮上兄弟維予與女女無信人之  
言人實廷誑女○揚之水不流束薪終鮮兄弟維予二  
人無信人之言人實不信叶

古序曰揚之水閔無臣也毛公曰君子閔忽之無忠  
臣良士終以死亡而作是詩也○朱子改爲淫者相

謂非也。爲此詩者，鄭之君子，懷忠良之志，而傷忽之微弱也。國風凡三揚之水，皆微弱之比。一王風比平王微弱，不能令諸侯也。一唐風比晉昭侯微弱，不能制曲沃也。此篇比鄭昭公微弱，不能制突也。鄭昭公見奪于突，與晉昭侯見奪于沃，其事同，故其比同。莊公之子四人，忽、突、子儀、子亶，皆以兄弟相殘，而忽以伯兄繼世，同父解體，竟死于高渠彌之手。詩所以謂之終鮮兄弟，傷忽之無助也。朱子儻謂其真無兄弟，而疑其非忽乎哉？○章清淺輕揚之水，一束之楚，尚不能流，爾之微弱，何以異此？雖有兄弟，竟爲寇讐，唯

予與汝無相欺之意。爾慎無信人之言。人實欺。廷汝耳。○二章。揚之水不能流束薪。爾終鮮兄弟。維予與汝二人相信而已。爾無信人之言。人實無信心與汝也。○終鮮。竟少也。廷。欺也。予。詩人自謂也。揚之水。二章。章六句。

出其東門。有女如雲。雖則如雲。匪我思存。縞。果衣。綦。其巾。聊樂我員。云。○出其闔閭。因。閭。都。有女如荼。雖則如荼。匪我思且。疇。縞衣茹蘆。聊可與娛。虞叶。

古序曰。出其東門。閔亂也。毛公曰。公子五爭。兵革不息。男女相棄。民人思保其室家焉。○朱子改爲人見。

淫奔之女而作非也。恆情窮則反本，安則思淫。鄭昭厲之際，干戈不息，人民離散，室家以苟全爲幸。雖有東門之遊女，而無江漢之求思，時使之然也。故夫男女之際，人之至情。世治則懷春之女誘于吉士，世亂則如雲之女所思匪存。若使上無教化，則野有死麕，爲淫奔矣。國無亂離，則出其東門，爲義士矣。故誦其詩，當論其世，未可以其辭而已也。○章一兵革離散，室家相棄。東門有女，其盛如雲。顧我思慮，何暇及此。亂世苟全性命，縞衣綦巾之妻，聊喜得助我，免于孤曠是矣。○章二出其閭閻，有女潔白如荼。我思何暇及此。

我自有婦縞素其衣茹蘆其中聊得相保亦足自娛  
矣○如雲容飾盛多也縞薄白繒綦青黑色巾帨屬  
員益也猶小雅員于爾幅之員言內助也闔城門外  
曲城也闔城上臺也荼茅秀柔而白也且甚辭茹蘆  
齒草可染紅娛樂也

出其東門二章章六句

野有蔓草零露漙漙

叶轉

今有美一人清揚婉兮邂逅

厚

相遇適我願

叶遠

今○野有蔓草零露漙漙有美一

人婉如清揚邂逅相遇與子偕臧

古序曰野有蔓草思遇時也毛公曰君之澤不下流

民窮於兵革男女失時思不期而會焉○朱子改爲  
男女相遇于野田草露之間而作非也果爾邪穢已  
甚聖人奚取則序宜與溱洧同云刺亂何云思遇時  
也蓋鄭國多難兵革不息室家流離故詩人借男女  
邂逅比君子遇主蔓草零露比君澤下流美一人比  
君家語夫子遇程子欲贈之引此詩教子路豈淫辭  
而聖人以教人春秋傳鄭子大叔賦此享趙孟趙孟  
曰吾子之惠豈淫辭而大享賦之趙孟謝之必不然  
矣○章野有蔓生之草尚被天澤之零溥然其濕也  
今民憔悴何至不如草安得有美者一人目清眉揚



婉然姣好邂逅相遭以適我企望之願乎○

二章野有

蔓草露之零瀼瀼而多安得有美一人婉然清揚邂逅遭逢則與子俱滅矣

野有蔓草二章章六句

溱與洧

傳

方渙渙兮士與女方秉簡

數

兮女曰觀

叶

乎士曰既且

疽

且往觀乎洧之外洵訏

虛

且樂

洛

維士

與女伊其相謔贈之以勺

勺藥

○溱與洧瀏

留

其清矣

士與女殷其盈矣女曰觀乎士曰既且且往觀乎洧之外洵訏且樂維士與女伊其將謔贈之以勺藥

古序曰溱洧刺亂也毛公曰兵革不息男女相棄淫

風大行莫之能救焉○朱子改爲淫奔者自敘之辭  
非也蓋詩人暴其事以刺如鄘之桑中云爾詳述士  
女相譖無羞惡之心所以爲刺豈待訶斥而後謂之  
刺與○一漆洧二水莫春冰解渙流國人士女采蘭  
水上女有挑士者曰盍往觀乎士曰予旣往矣女又  
曰且往觀乎彼洧之外其地信寬大可樂也士從女  
往相戲譖贈女以芍藥致別離之意也○二漆與洧  
瀏然深且清矣士與女殷然衆且盈矣女曰盍往觀  
乎士曰旣觀矣女又曰且往觀乎洧外之地寬舒可  
樂士從女相譖臨別贈之以芍藥○漆洧二水名渙

渙冰釋貌秉執也蘭水草似蘭鄭俗三月上巳水上  
采蘭草以祓除不祥訐大也勺藥香草三月花開其  
根可爲藥一名將離故以贈別瀏深也殷衆也將當  
作相

溱洧二章章十二句

毛詩原解卷八終

毛詩原解

卷八

二十三

鄭